




# A NAA O NALE SEABE BOSENYING BJA MO O ŠOMAGO?

- A naa o tlogela **dinotlolo** tša gago di phašaletše fela? Dula o tseba gore dinotlolo tša kantoro ya gago di kae gomme o di beš lefelong leo le bolokegilego. Efa fela batho bao lebaka la bona le kwagalago dinotlolo gomme o netefatše gore ba a di buša.
- A naa o tlogela **sekhwama/sepatšhe** sa gago mo teskeng ya gago? Dira gore sekhwama goba sepatšhe sa gago, goba selo sefe goba sefe se bohlokwa se dule se le mo go wena ka nako tšohle goba di notleletšwe ka gare ga laiki goba ka rakeng.
- A naa o no tlogela **selefouno** ya gago mo godimo ga teske ya gago o se gona?
- A naa o no tlogela **tšhelete** mo teskeng ya gago goba ka lelaiking? O seke wa tlogela tšhentšhi goba tšhelete mo teskeng ya gago goba ka lelaiking. Bokaone, lokela tšhelete ye bjalo ka gare ga omfolopo gomme o e lokele ka lelaiking leo o tla kgonago go ka le notlela.
- A naa o tlogela lebati la gago le bulegile ge o etšwa ka kantorong ya gago – le ge e le gore e no ba sebaka sa metsotswana fela?
- A naa o tlogela **mokotlana** wa gago o nnoši?
- A naa o furaletše lemati lefelong leo o šomago go lona? Rulaganya lefelo leo o šomago go lona gore o lebane le lebati ka nako tšohle. Tseba tikologo yeo o šomago go yona gomme o phafoge kotsi yeo e ka diragalago.



- Ge o šoma ka kantorong goba ka setorong ka morago ga di-iri tša mošomo tša setlwaedi, netefatša gore o notletše mabati le mafasetere a ka ntle. Ge go nale alamo ya modiko (perimeter), e tlogele e tshumile gore le yona e tle go šireletše.
- Ge le šoma di-iring tšeo esego tša setlwaedi (mohlala go-dula-koma-madula-a-bapile goba dišifti) sepelang ka dihlopha goba o kgopele mošomi wo mongwe goba mohlapetši a go felegetše senamelweng sa gago. Swara dinotlelo kgauswi gomme o lekole madulo a ka morago pele o ka tsena ka mmotorong.
- A naa o tlogela dilo tše bohlokwa ka mmotorong wa gago mola o le ka kantorong? Ka mehla ntlella dilo tša gago tše bohlokwa ka putung (boot) goba o di tlogele gae.
- E ba bohlae. Go botša moletšamotato gore mošomimmo go wa gago o mo matšatšing a boikhutšo, e ka no ba go botša lehodu gore maru a apogile a ka no tla go tlo thuba. Leka go botša baletšametato gore motho yo ba mo nyakago "ga a gona" – go tloga go le kaone kudu ge o ka dira bjalo, go se bolele kudu.
- Phegelela go hwetša boitsebišo bathong bao ba tšilego ka go lokiša se sengwe meagong goba ka kantorong ya gago, gomme o dule o phafogile le go feta ge ba le fao.

- Ge e le gore o motho wa mathomo wa go goroga ka kantorong, phafogela leswao lefe goba lefe leo le bontšhago gore go pshatlilwe. Moo e lego gore go bonala maswao afe goba afe a go pshatlwa, o seke wa tsena, letsetša maphodisa gomme o lemoše bašomi bafe goba bafe ba bangwe bao ba gorogago ka kantorong.
- A naa o tsebiša bahlapetši ge o bona batho goba dinamelwa dife goba dife tšeo di belaešago – kudukudu ka morago ga di-iri tša mošomo – goba o no lesa fela gomme wa holofela gore motho yo mongwe o tla bega seo? Dula o phafogile kudukudu mo meagong ye megolo ya dikantoro le ka morago ga di-iri tša mošomo.
- A naa o ntšha mahlo dinameng ge o le diseteposeng, mafelong ao a lego thokwana goba ao a se nago mabone ka tshwanelo?
- Ge o šomiša lifti, a naa o ema kgauswikgauswi ka tsela yeo e kgonegago le dikonopo tša taolo ya lifti, o lebelela moo konopo ya tšhoganyetšo e lego gona ebile ga o tsene ka lifting ge go nale motho yo a belaešago ka gare?
- A naa o bega ka ga mabone ao a senyegilego goba ao a panyapanyago, mabati ao a sa bulegego goba a sa tswalegego gabotse, mafasetere ao a thubegilego goba difouno tša setšhaba go bahlokomedi ba moago le bahlapetši?

